

*МКУ «Амгинское районное управление образования»  
МБДОУ «ЦРР – детский сад «Кэнчээри»*

**Анабас дьарык**

*«Сахалыы оһуорунан үтүлүк киэргэтии»*

**Иитээччи:**  
**Осипова ЗояАфанасьевна**

## Тизмэтэ « Үтүлүк»

**Уобластар алтыһылары:** Билэр-көрөр дьобуру сайыннарыы, кэрэ-эйгэни сайыннарыы уобластара. Уруһуй.

**Сыала:** саха сирин дойдутун, айылҕатын оҕолорго билиһиннэри, сахалыы оһуордары, тыл саппааһын ханатыы: үтүлүк, күн ойуу, илим харах ойуу, от оһуор, бүөр ойуу; уруһуйга үгэс буолбатах техниканы туттуу, оҕо айар, толкуйдуур, сатыыр дьобуруун сайыннарыы.

**Соруга:**

- Саха сирин айылҕатын, сирин уотун хартыынаҕа көрүү.
- Сахалыы оһуор ойууларын көрүү.
- Сатаан трафареты туттан уруһуйдуурга үөрэтии.
- Уруһуй дьарыгар интэриэһи тардыы.

**Туттуллар тэрил:** Саха сирин, айылҕатын туһунан ойуулар, сахалыы оһуордар (слайд). Бэлэм быһыллыбыт үтүлүктэр, трафарет, кырааска, губка.

### Дьарык хаамыта:

Оҕолор киирэллэр, төгүрүччү сиэттиһэн тураллар.

-Үтүө сарсыарданан!

- оҕолоор, мин бугун эһигини биир дьикти дойдуга күүлэйдэтэ илдьиэхпин баҕарабын. Сири – дойдуну көрө, күүлэйдии бараргытын сөбүлүүгүт дуу? (саха сирин көстүүтүн ойууга көрүү, ону оҕолор бу ханна баарын этиэһтээхтэр)

- Бу ойууга көстөр сирдэр ханна баалларый? (оҕолор: эппиэттэрэ)

- сөп. Ол аата бу көстөр сирдэр барыта Саха сиригэр бааллар эбит.

- Оччоҕо биһиги ханнык республикаҕа олорор эбиппитий? Саха сирэ. (маладьыастар)

- Билигин Саха сирин кэрэ айылҕатын көрдөрүөм. (ойуу көстөр)

- Сахабыт сирэ кэрэ да көстүүлээх дии, оҕолоор? (оҕолор эппиэттэрэ)

-Оҕолоор, Сахабыт сирэ төһө тымныыный? (Оҕолор эппиэттэрэ)

- Таһырдыаа тымныы буолан биһиги эбээлэрбит, эһээлэрбит халын танас тиктэн кэтэллэр эбит. Ол таһастарын киэргэтэн араас сибэккигэ, күннэ, окко маарыннатан сахалыы оһуор тигэн киэргэтэллэр эбит.

- Мин эһиэхэ ойуулары көрдөрүөм ону эһиги туохха маарынныырын таайаарын, этээрин.

### **Толкуйдатар ооньуу «Туохха маарынныырый?»**

**Сыала:** ойуу сүрүн көстүүтүн көрөн оҕо айан онорон көрөр дьобурун сайыннарыы.

**Ооньуу тутула:** оҕолорго араас быһыылаах ойуулары көрдөрүү, ону оҕолор айан көрөн, туохха маарынныырын таайахтаахтар.

**Физминутка «Оһуор»** (Сахалыы музыкаҕа иитээччи хамсаныытын оҕолор үтүктэллэр)

- Оҕолоор, көрүн эрэ мин илиибэр тугу кэтэн турабыный? Туох диэн ааттанарый? Оҕолор эппиэттэрэ (маладьыастар.) Үтүлүктэр көрүн эрэ, үтүлүкпүт туох киэргэллээбий? (оҕолор: сахалыы оһуордаах)

- сахалыы оһуордар ааттарын билэбит дуу? Билигин мин эһиэхэ сахалыы оһуордары билиһиннэриэм. «күн ойуу», «илим харах ойуу», «от оһуор»; (ойуутун көрдөрөр уонна ыйытар)

- Бу оһуор туох курдугуй? («Күн ойуу», «илим харах ойуу», «от оһуор»)

(Сюрпризный момент)

- Ааны тонсуйаллар уонна Айта диэн кыыс сахалыы таһастаах киирэн кэлэр. Айта илиитигэр бэлэм үтүлүк быһыылаах кумаабылары тутта сылдьар.

- Айта: Оҕолоор, баһаалыста мин үтүлүктэрбэр сахалыы оһуор ойуулаан көмөлөһүөхүт дуо?

- Иитээччи: оҕолоор көмөлөһөбүт дуо? (оҕолор эппиэттэрэ)

- Айта: махталларын! Сарсын кэлэн ылыабым. Үчүгэйдик уруһуйдаарын. (тахсан барар)

**Уруһуй "Сахалыы оһуорунан үтүлүк киэргэтии"**

Иитээччи оҕолорго быһаарар уонна кумаабы үтүлүгү, сахалыы ойуулаах трафарет, өгнөөх кырааска, губка түнэтэр.

- Бүгүн биһиги трафарет көмөтүнэн сахалыы «Бүөр ойууну» үтүлүкпүтүгэр түһэриэхпит. (Бастаан оҕолорго хайдах түһэрэри көрдөрүү).

Оҕолор нарын сахалыы музыкаҕа үлэлиллэр.

**Түмүккэ ыйытыылар:**

- Трафаретынан уруһуйдууру сөбүлээтигит дуо?

- Ханнык сахалыы оһуордары биллигит?

- Туох көмөтүнэн уруһуйдаатыбыт?

- Үтүлүктэрбитин сарсын Айта ыла кэллэбинэ олус сөбүлүүрү буолуо.

- Чэйин эрэ оҕолоор, ойууларгытын илдээн куурда уурун.

Манан дьарыкпытын түмүктүүбүт.